



REPUBLIKA E SHQIPËRISË

MINISTËR SHTETI PËR
SIPËRMARRJEN DHE
KLIMËN E BIZNESIT

STARTUP
ALBANIA

THIRRJA PËR MBËSHTETJEN E KOMPANIVE STARTUP NËPËRMJET GRANTEVE DHE MASAVE MBËSHTËTËSE

RREGULLORE E THIRRJES

#GRANT2024

Versioni 1.1
Shkurt 2024



REPUBLIKA E SHQIPËRIË
MINISTËR SHTETI PËR
SIPËRMARRJEN DHE
KLIMËN E BIZNESIT

**STARTUP
ALBANIA**

Programi për mbështetjen e kompanive startup nëpërmjet granteve dhe masave mbështetëse 2024 është krijuar nga qeveria Shqiptare për të stimuluar sipërmarrjen inovative duke ofruar financim për kompanitë më premtuese startup shqiptare.

Duke njohur vështirësitë në sigurimin e fondeve për ciklin e zhvillimit në fazën e hershme dhe koston e lartë për të përkthyer një produkt komercialisht të zbatueshëm, ky program është krijuar për të ndihmuar në vazhdimësi kompanitë startup në një faze kritike të zhvillimit dhe për t'u mundësuar sipërmarrësve në Shqipëri të ndërtojnë bizneset e tyre inovative në vend. Kompanitë që marrin financim nëpërmjet këtij programi pritet të ofrojnë një model të përdorshëm komercialisht, tregtojnë një pilot ose ofrojnë një produkt ose shërbim të gatshëm për tregun dhe shtrirje tek klientët e parë potencialë gjatë kohëzgjatjes së projektit.

Aplikantët mund të jenë individë, nomadë dixhitalë, kompani private mikro, të vogla dhe të mesme të inkuorporuara në Shqipëri, jo më të vjetra se 6 vjet në momentin e aplikimit. Financimi i dhënë nga Qeveria Shqiptare në kuadër të mbështetjes me grante 2024, do të mbulojë 100% të kostove totale të projektit për aplikantët fitues në fazën e parë – Faza e Ndërtimit të Konceptit; 90% të kostove për aplikantët fitues në fazën e dytë – Faza e Validimit dhe 85% të kostovë për aplikantët në fazën e tretë – Faza e Zgjerimit dhe Ndërkombëtarizimit. Afati I implementimit të projekteve për këtë vit, do të jetë afërsisht 9 muaj.

Vendimet e financimit do të merren në bazë konkurruese nga një komision i vlerësimit i përbërë nga specialistë të ekosistemit, administrate shtetërore dhe pjesar nga administrata shtetërore. Numri i projekteve fituese do të përcaktohet nga cilësia e aplikimeve dhe do të jenë subjekt i totalit të fondeve të disponueshme ose të alokuara për vitin 2024. Gjithashtu, në mbështetje të këtij programi, Agjencia Startup Albania do të ofrojë mbështetje me mentorë dhe trajnime në fusha të tilla si zhvillimi i biznesit, marketing, shitjet, mbrojtjen dhe menaxhimin e pronësisë intelektuale dhe të tjera, në varësi të nevojave specifike të startup-eve. Ky Manual i Thirrjes ofron informacion në lidhje me kriteret dhe procedurat e aplikimit dhe ne shpresojmë se informacioni do t'ju ndihmojë të lundroni lehtësisht gjatë procesit. Manuali i Thirrjes dhe procedurat përkatëse janë ndërtuar për të qenë transparente, të drejta dhe mbi të gjitha, për të evidentuar dhe mbështetur sipërmarrësit më të talentuar dhe kompanitë startup më të mira që operojnë në Shqipëri.

Ju uroj suksese në rrugëtimin tuaj,

Delina Ibrahimaj,
Ministër I Shtetit për Sipërmarrjen dhe Klimën e Biznesit



Table of Contents

PËRKUFIZIMET	4
1. PËRSHKRIMI I PROGRAMIT	5
1.1 SHUMA DHE LLOJI I FINANCIMIT	5
2. KATEGORITË PËRFITUESE TË GRANTIT	6
3. PRANUESHMËRIA E APLIKANTËVE	6
4. PËRDORIMI I FONDEVE TË GRANTIT	6
4.1 KOSTOT E PRANUESHME	6
4.2 KOSTOT E PAPANUESHME:	7
4.3 AKTIVITETE TË PAPANUESHME:	8
5. DOKUMENTACIONI I KËRKUAR PËR STARTUP-ET8	
6. RRJEDHA E PROCESIT DHE AFATI KOHOR	10
7. PROCEDURA E APLIKIMIT	10
8. NGRITJA E KOMISIONIT TË VLERËSIMIT DHE ANKIMIT	10
9. VLERËSIMI I KËRKESAVE PËR MASA MBËSHTETËSE	11
10. SHPALLJA E PROJEKTEVE FITUESE	12
11. PROCEDURA E DISBURSIMIT TË GRANTIT	13
12. VLERËSIMI DHE VENDIMI PËR FINANCIM	13
13. PËRGJEGJËSITË E FITUESVE	16
15. KONFIDENCIALITETI I TË DHËNAVE	18



PËRKUFIZIMET

Aplikant	Kompania/individit aplikues
Buxheti i miratuar i projektit	Buxheti i projektit i miratuar nga komisioni i vlerësimit pjesë integrale e Marrëveshjes Financiare.
Fituesi	Një aplikant i kualifikuar që ka marrë një njoftim nga Agjencia Startup Albania dhe që i është dhënë financimi dhe ka nënshkruar Marrëveshjen Financiare me Agjencinë Startup Albania.
Aplikimi	Paketa e të gjitha dokumenteve dhe të dhënave të nevojshme të dorëzuara nga parashtruesi i kërkesës.
Marrëveshja e financimit	Një dokument i nënshkruar nga Fituesi dhe Agjencia Startup Albania, që rregullon kushtet dhe termat sipas programit të financimit.
Projekt	Zhvillimi i projektit dhe aktivitetit aktual të biznesit siç përshkruhet në aplikimin e paraqitur.
Startup Albania	Agjencia Shtetërore për Mbeshtëjen e Startup-eve dhe Lehtësuesve
PI	Pronësia Intelektuale



1. PËRSHKRIMI I PROGRAMIT

Objektivi i programit Grante2024 është të stimulojë sipërmarrjen dhe krijimin inovativ të kompanive të bazuara në dije, nëpërmjet bizneseve startup të sektorit privat duke ofruar financim për projekte të orientuara nga tregu me potencial të lartë komercializimi dhe një model biznesi të shkallëzuar. Fondi i alokuar nga Qeveria Shqiptare synon të ofrojë mbështetje financiare për fazën vendimtare të zhvillimit dhe të ndihmojë në krijimin e përmirësimeve substanciale në produkte, procese ose shërbime të reja dhe ekzistuese.

1.1 SHUMA DHE LLOJI I FINANCIMIT

Shuma totale dhe burimi i fondeve të alokuara për thirrjen publike Grant2024 është 300 milion Lekë dhe detajet mund të gjendet në faqen zyrtare të internetit të Ministrit të Shtetit për Sipërmarrjen dhe Klimën e Biznesit, www.sipermarrja.gov.al.

Financimi i grantit që mund të jepet për çdo projekt individual, është i përcaktuar nga fazat e zhvillimit të projekteve aplikuese dhe shumës totale të fondit për masa mbështetëse, të përcaktuar për vitin 2024.

Financimi i grantit të dhënë mund të mbulojë:

- 100% të kostove totale të projektit në fazën 1 deri në vlerën 1,500,000 Lekë;
- 90% të kostove totale të buxhetit të projektit të miratuar në Fazën 2, deri në vlerën 4,500,000 Lekë;
- 85% të kostove totale të buxhetit të projektit të miratuar në Fazën 3, deri në vlerën 9,000,000 Lekë;

Bashkëfinancimi i pranueshëm përfshin burimet e veta të aplikantit nga të ardhurat operative ose paratë e gatshme, investimet private, kapitali sipërmarrës ose financimi i kapitalit privat, ose çdo burim tjetër të kontributit privat, për sa kohë që përjashton financimin nga ndonjë tjetër burim i sektorit publik.

Financimi i grantit i miratuar bazohet në nevojat specifike të çdo projekti, fillimisht i dorëzuar nga aplikanti përmes buxhetit të projektit të propozuar. Megjithatë, përpara se të miratohet një aplikim për financim, komisioni i pavarur i vlerësimeve rezervon të drejtën për të modifikuar buxhetin e projektit të propozuar për të pasqyruar më mirë propozimin e aktiviteteve ose për të harmonizuar buxhetin e projektit të propozuar me rregullat dhe kërkesat e programit.

Afati përfundimtar i dorëzimit të aplikimeve është data 31 Mars 2024.



2. KATEGORITË PËRFITUESE TË GRANTIT

Në këtë thirrje ekzistojnë tre grupe kriteresh të pranueshmërisë, që kanë të bëjnë me:

- (1) Aplikantët;
- (2) Llojet e projekteve që mund të financohen;
- (3) Kostot (llojet e kostove që do të merren parasysht).

3. PRANUESHMËRIA E APLIKANTËVE

Çdo Aplikim do të shqyrtohet për përshtatshmërinë duke përdorur kriteret e mëposhtme: Aplikanti është në:

Fazën Fillestare F1- Individ privat, vendas ose të huaj, përfshirë nomadin digjital, të cilët kanë plan të vijojnë operacionet e biznesit në Shqipëri;

Fazën e Validimit F2 ose në Fazën e Zgjerimit F3 – biznes i regjistruar ligjërisht në regjistrin tregtar të Republikës së Shqipërisë dhe jo më të vjetër se 6 (gjashtë) vjet në kohën e kërkesës.

Llojet e Projekteve të targetuara:

Kjo thirrje do të marrë në konsideratë financimin e projekteve që vijnë nga të gjitha fushat e shkencës dhe teknologjisë dhe nga çdo sector tjetër të ekonomisë me theks në fushat e përcaktuara më poshtë:

- Strategjinë e Specializimit Intelligjent të Shqipërisë (S3); <https://s3albania.org/fushat-prioritare>
- Mbështetja e iniciativave që kanë impakt pozitiv mjedisor;
- Fuqizimi i të rinjve;
- Fuqizimi i vajzave dhe grave sipërmarrëse;
- Komercializimi i projekteve të bazuara në shkencë, kërkim dhe zhvillim.

4. PËRDORIMI I FONDEVE TË GRANTIT

4.1 KOSTOT E PRANUESHME

Fituesit mund të përdorin fondet e granteve për kostot brenda kategorive të mëposhtme:

- Kostot e ekipit/pagave që angazhohen në projekt (shumat bruto përfshirë taksat mbi të ardhurat dhe përfitimet), jo më shumë se 25% e vlerës totale të grantit;
- Shërbimet e ekspertëve për zhvillim të produktit, duke përfshirë zhvillimin dhe testimin e teknologjisë, R&D, etj. (jo më shumë se 10% e vlerës totale të projektit);



- Shërbimet e shitjes dhe marketingut (maksimumi 10% të buxhetit të miratuar të projektit, duke përfshirë, këshillim për zhvillimin e biznesit, shpenzimet për pjesëmarrje në konferencë);
- Mallra dhe shërbime të tjera me qëllim rritjen dhe zhvillimin e kompanisë.
- Shpenzimet e përgjithshme të tilla si abonimet e teknologjisë/aplikimeve/të dhënave, ndërtim website etj;
- Aplikimi për patentë dhe tarifën, certifikata përkatëse.

Duke marrë parasysh veçorinë e çdo aplikimi, përqindjet e buxhetit të projektit që janë të ndara për secilën kategori mund të ndryshojnë në varësi të qëllimeve të projektit. Të gjithë artikujt e listuar duhet të arsyetohet qartë nga parashtruesi duke detajuar vlerën, kohën dhe buxhetin përkatës. Zërat e buxhetit dhe shumat mund të përshtaten nga komisioni i vlerësimit në mënyrë që të pasqyrojë më mirë qëllimet e projektit. Aplikantët duhet të marrin “Konfirmim me Shkrim” nga Sekretariati Teknik për monitorimin i Agjencisë Startup Albania, për çdo ekspert të jashtëm ose të brëndshëm që planifikohen të angazhohen në projekt gjatë periudhës së zbatimit. Në rast se aplikanti nuk ka ndjekur procedurën e konfirmimit të ekspertit, shpenzimet për zërin përkatës nuk do të njihen.

Vetëm kostot e grumbulluara gjatë periudhës kohore të specifikuar në kontratën e grantit dhe shërbimet e përfunduara, ose mallrat e dorëzuara, do të jenë të pranueshme për financim.

4.2 KOSTOT E PAPANUESHME:

Kostot e mëposhtme nuk do të konsiderohen të pranueshme, por nuk kufizohen në:

- Borxhet dhe tarifën e shërbimit të borxhit (interesi);
- Provizionet për humbje, borxhe ose detyrime të mundshme në të ardhmen;
- Kostot e deklaruar nga përfituesi dhe të financuara nga një burim tjetër financiar i Qeverisë Shqiptare gjatë të njëjtit viti kalendarik;
- Komisionet bankare;
- Shpenzimet doganore dhe taksa të tjera;
- Blerjet e tokës ose ndërtesave, qiratë dhe çdo rinovim;
- Humbjet nga këmbimi valutor, tarifën dhe gjatë;
- Kreditë për palët e treta;
- Kontributet në natyrë;
- Kostot e pagave të personelit të administratave shtetërore;
- Taksat, përfshirë TVSH-në, detyrimet dhe tarifën;
- Shpenzimet e argëtimit dhe mikpritjes;
- Per diems;
- Kostot e rekrutimit dhe zhvendosjes;
- Pagesat në para nga llogaria e projektit.

Agjencia Startup Albania do të bëjë kontrolle të rregullta në lidhje me kostot e papranueshme.



4.3 AKTIVITETE TË PAPRANUESHME:

Kjo thirrje NUK do të mbështesë aplikime ose aktivitete në lidhje me:

- Pjesëmarrjen në panairë të armatimit dhe teknologjisë ushtarake;
- Pjesëmarrjen në panairë të teknologjisë së duhanit;
- Pjesëmarrjen në panairë si vizitor;
- Projekte argëtuese për të rriturit;
- Projektet e lojërave të fatit;
- Zhvillimin e pronës, përfshirë cdo rinovim;
- Çdo aktivitet tjetër që konsiderohet i paligjshëm.

5. DOKUMENTACIONI I KËRKUAR PËR STARTUP-ET

Në mënyrë që aplikimi të vlerësohet, ai duhet të dorëzohet i plotë, i strukturuar sipas paketës së dokumentacionit dhe brënda afatit të caktuar të dorëzimit në mënyrë elektronike përmes portalit *e-albania*. Komplet i plotë i dokumentacionit të nevojshëm të aplikimit mund të gjendet në faqen zyrtare në internet të Ministrit të Shtetit për Sipërmarrjen dhe Klimën e Biznesit, www.sipermarrja.gov.al.

Aplikantët pritet t'i shkarkojnë këto dokumente dhe të njihen me përmbajtjen e tyre përpara se të fillojnë të përgatisin aplikimet e tyre. Periudha e aplikimit do të shoqërohet me sesione informuese fizike në disa qytete, sesione virtuale dhe kërkesa me shkrim me anë të postës elektronike, të cilat kanë objektiv të ndihmojnë aplikantët të përgatisin një aplikim sa më të saktë. Të gjitha pyetjet dhe përgjigjet përkatëse gjatë periudhë së aplikimit do të publikohen në faqen zyrtare në internet të Ministrit të Shtetit për Sipërmarrjen dhe Klimën e Biznesit, www.sipermarrja.gov.al.

Startup-et që aplikojnë për mbështetje financiare nga ky grant, duhet të dorëzojnë, gjatë aplikimit, dokumentacionin sipas listës së mëposhtme:

- Formularin e aplikimit të plotësuar;
- Formatin e buxhetit të plotësuar;
- Prezantimin në formatin e ofruar;
- Pasqyrat financiare për dy vitet e kaluara të biznesit, nëse është e aplikueshme.

Gjithashtu, aplikantët duhet të kalojnë procesin administrativ të kualifikimit, i cili do të zbatohet nga sekretariati teknik i ngritur pranë Agjencisë Startup Albania. Gjatë këtij procesi do të verifikohen:



- Pasaporta e Startupit (jo më e vjetër se dy vjet në momentin e aplikimit)
- Dokumenti i regjistrimit në organin tatimor (NIPT) në rastin e personave fizikë ose juridikë të regjistruar në regjistrin tregtar;
- Bilanci i vitit paraardhës për aplikuesin person fizik ose juridik të regjistruar mbi 1 vit në regjistrin tregtar;
- Vërtetim për pagim detyrimesh tatimore, taksa locale, OSHEE;
- Dëshmi penaliteti e aplikuesit (e lëshuar gjatë muajit të hapjes së thirrjes).

Modelet e aplikimit janë një pjesë integrale e Manualit të Thirrjes, Grante2024, dhe aplikantët kërkohen të përputhen me udhëzimet e dhëna në këto dokumente standarte. Mosrespektimi i rregullave të mësipërme do të rezultojë në skualifikim të aplikimit. Personeli (stafi i projektit) ose individi është i kufizuar në një aplikim sipas thirrjes aktuale. Aplikimet ku i njëjti individ është pjesë e personelit të shumëfishtë, NUK do të kualifikohet për të marrë financim.



6. RRJEDHA E PROCESIT DHE AFATI KOHOR

Afatet kohore të përshtatura ne Figurën nr. 1 janë të përafërta.

7. PROCEDURA E APLIKIMIT

- Formatet e aplikimit do të shkarkohen në linkun: <https://siper marrja.gov.al/dokumentet-e-aplikimit/> ;
- Formatet e aplikimit do të plotësohen nga aplikuesi sipas standarteve dhe formateve të ofruara;
- Formulari I aplikimit dhe prezantimi i kërkuar duhet të jenë në formatin pdf;
- Formulari I buxhetit duhet të dorëzohet ne format excel dhe pdf;
- Njësia menaxhuese e grantit pranë Agjencise Shtetërore Startup Albania është e detyruar të marrë në dorëzim dhe shqyrtim çdo aplikim të paraqitur, i cili plotëson kriteret e kësaj rregulloreje;
- Nëse aplikuesi has paqartësi dhe vështirësi gjatë procesit të aplikimit, ai do të ndihmohet dhe këshillohet nga njësia përgjegjëse pranë agjencisë Startup Albania.
- Aplikimi për mbështetje me grant2024 do të kryhet online nëpërmjet faqes elektronike të portalit qeveritar *e-albania*;
- Sekretariati teknik pranë Start up Albania administron kërkesat së bashku me dokumentacionin shoqërues dhe i vendos në dispozicion anëtarëve praktikant dokumentare e raportin përmbledhës të aplikimeve.
- Sherbimi I aplikimit ne portalin e-albania: https://e-albania.al/eAlbaniaServices/UseService.aspx?service_code=16246

8. NGRITJA E KOMISIONIT TË VLERËSIMIT DHE ANKIMIT

Brenda 15 (pesëmbëdhjetë) ditëve kalendarike pas publikimit të “Thirrjes për kërkesa për masa mbështetëse”, me urdhër të ministrit përgjegjës për sipërmarrjen ngrihet komisioni i vlerësimit dhe Komisioni i Ankimit, duke caktuar edhe kryetarët përkatës.

Komisioni i Vlerësimit ka për qëllim shqyrtimin dhe vlerësimin e kërkesave nga startup-et dhe lehtësuesit dhe përbëhet nga 5 (pesë) anëtarë të cilët janë përfaqësues nga organet e administrates shtetërore, bota akademike, ekosistemi kombëtar dhe ndërkombëtar i start up-ëve. Drejtori i agjencisë Startup Albania është anëtar i Komisionit të Vlerësimit për shkak të detyrës.



Komisioni i Ankimit përbëhet nga 3 (tre) anëtarë, të cilët janë përfaqësues nga organet e administratës shtetërore, bota akademike, ekosistemi kombëtar dhe ndërkombëtar i start up-eve.

Anëtarët duhet të plotësojnë kriteret e mëposhtme:

Anëtari i Komisionit i përzgjedhur nga organet e administratës shtetërore duhet të plotësojë kushtet e mëposhtme:

- a) Të jetë nëpunës i administratës shtetërore;
- b) Të ketë pjesë të detyrave të tij funksionale hartimin, zbatimin ose monitorimin e politikave, programeve dhe projekteve për ekosistemin dhe kompanitë start up;

Anëtari i Komisionit i përzgjedhur nga bota akademike duhet të plotësojë kushtet e mëposhtme:

- a) Të ketë të paktën 10 (dhjetë) vjet përvojë pune përkatëse në organizma kombëtarë dhe ndërkombëtarë që kanë për qëllim mbështetjen ndaj kompanive start up dhe lehtësuesve të ekosistemit;
- b) Të ketë të paktën 5 (pesë) vjet përvojë në menaxhimin e projekteve;
- c) Të ketë përvojë në bashkëpunim ndërkombëtar në zhvillim të kompanive start up dhe të ekosistemit;
- ç) Të ketë përvojë si anëtar/kryetar i panelit të ekspertëve ose drejtor i propozimeve të programeve ose projekteve dhe anëtar/kryetar i komisionit të vlerësimit të fondeve kombëtare dhe ndërkombëtare.

Anëtarët përzgjidhen mbi bazën e një procesi transparent, bazuar në thirrjen e hapur, të publikuar në faqen zyrtare të Ministrit të Shtetit për Sipërmarrjen dhe Klimën e Biznesit.

9. VLERËSIMI I KËRKESAVE PËR MASA MBËSHTETËSE

Komisioni i Vlerësimit mblidhet në mbledhjen e parë, jo më vonë se 5 (pesë) ditë kalendarike pas mbylljes së thirrjes për aplikime nga start up-et dhe lehtësuesit e start up-eve. Sekretariati teknik pranë agjencisë Startup Albania administron kërkesat së bashku me dokumentacionin shoqëruar dhe i vendos në dispozicion anëtarëve praktikant dokumentare dhe raportin përmbledhës të aplikimeve. Mbledhjet e Komisionit të Vlerësimit thirren dhe drejtohen nga kryetari i këtij Komisioni. Komisioni i vlerësimit merr në shqyrtim kërkesat për mbështetje me grant dhe në fund të procesit të vlerësimit, brenda 10 (dhjetë) ditëve kalendarike miraton me vendim listën paraprake të aplikimeve fituese.

Komisioni i Vlerësimit ushtron këto detyra dhe kompetenca:



- a) Shqyrton e vlerëson çdo kërkesë;
- b) Plotëson formularët e vlerësimit për çdo kërkesë të dorëzuar dhe anëtarët e tij japin pikët individuale;
- c) Përgatit renditjen paraprake të kërkesave bazuar në pikëzimin dhe vendimmarrjen e të gjithë anëtarëve dhe, sipas rastit, përgatit rekomandimet për rishikim të kërkesave me qëllim përmirësimin e tyre;
- ç) Harton dhe nënshkruan procesverbalin e vlerësimit dhe listën e kërkesave të përzgjedhura për financim.

Kërkuesit mund të depozitojnë ankesat për shkelje të procedurës së shqyrtimit të kërkesës për masa mbështetëse brenda 5 (pesë) ditëve kalendarike nga njoftimi elektronik. Komisioni i Ankimit ka për qëllim shqyrtimin e ankesave për shkelje procedurash të shqyrtimit sipas këtij vendimi nga komisioni i vlerësimit. Në fund të vlerësimit të ankesave, Komisioni i Ankimit miraton me vendim kërkesat për t'ia kaluar për rishqyrtim Komisionit të Vlerësimit, ku parashtron edhe shkeljet procedurale në shqyrtimin e kërkesës për mbështetje nga komisioni i vlerësimit.

Brenda 5 (pesë) ditëve kalendarike nga marrja e vendimit nga Komisioni i Ankimit, komisioni i vlerësimit merr në shqyrtim të dytë aplikimet e atyre kërkuesve, ankesa e të cilëve është pranuar nga Komisioni i Ankimit. Pas shqyrtimit të dytë të aplikimeve, komisioni i vlerësimit merr vendimin për listen përfundimtare të fituesve, i cili i përcillet për miratim ministrit përgjegjës për sipërmarrjen. Urdhri i miratimit publikohet në faqen zyrtare, të Ministrit përgjegjës për sipërmarrjen.

Agjencia Startup Albania dhe subjekti përfitues nënshkruajnë kontratën e grantit, brenda 10 (dhjetë) ditëve kalendarike nga miratimi i listës së përfituesve nga Ministri përgjegjës për sipërmarrjen. Në kontratën e grantit përcaktohen rregullat, afatet e përgjegjësitë e palëve për realizimin e projektit, dokumentacioni dhe afatet për raportimin përshkruar e financiar, mënyra e transferimit të fondeve, shpenzimet e njohura e të pranueshme, mekanizmat e raportimit e të kontrollit, përfshirë detyrimin e subjektit përfitues për të vënë në dispozicion të Kontrollit të Lartë të Shtetit dokumentacionin për veprimtarinë financiare të kryer, mënyra e dokumentimit të shpenzimeve të kryera dhe të produkteve e aktiviteteve të realizuara. Startup Albania kryen lëvrimin e fondit sipas parashikimeve të kontratës së nënshkruar me fituesit e granteve.

10. SHPALLJA E PROJEKTEVE FITUESE

Jo më vonë se 5 ditë pas përfundimit të afatit të përcaktuar për dorëzimin e aplikimeve, Komisioni i vlerësimit mblidhet për të shqyrtuar dhe vlerësuar të gjitha aplikimet e mbërritura nga startup-et dhe lehtësuesit e startup-eve. Në rastet kur është e nevojshme, Komisioni ka të drejtë të kërkojë informacione ose dokumentacion shtesë nga aplikuesit.



Informacioni ose dokumentacioni shtesë duhet të plotësohet nga aplikuesi brenda një periudhe kohore prej 3 ditësh nga momenti i njoftimit. Në përfundim të procesit të shqyrtimit Komisioni I vlerësimit plotëson raportin vlerësues për çdo aplikim duke marrë vendimin për secilin dhe përcakton nivelin e grantit për përfituesit startup. Në raste ankesash, komisioni I ankimit, do të vlerësojë ankesat e ardhura dhe brenda dy (2) ditësh do të ofrojë arsytimin për ankesat e ardhura. Komisioni I vlerësimit, rishqyrton projektet sipas propozimit të komisionit të ankesave dhe vijojn me vlerësimin përfundimtar të projekteve. Kompanite start-up shpallen fitues me vendim të komisionit të vlerësimit.

Vendimi i komisionit të vlerësimit për përfituesit e granteve financiare për mbështetjen e startup-eve, sipas thirrjes dhe në përfundim të procesit të ankimit, miratohet me urdhër të ministrit përgjegjës për sipërmarrjen. Te gjitha komunikimet referuar proceseve të vlerësimit dhe ankimit do të kryehn nëpërmjet portalit e-albania dhe adresave elektronike info@sipermarrja.gov.al si dhe info@startupalbania.gov.al.

11. PROCEDURA E DISBURSIMIT TË GRANTIT

Disbursimi i grantit për projektet e shpallura fituese bëhet deri në 3 (tri) këste pas përfundimit të periudhës së mbylljes së çdo faze të projektit, kundrejt dorëzimit të faturës/ave të shpenzimeve të kryera dhe dokumentacionit të kërkuar, sipas procedurave dhe kriterëve të përcaktuara në rregulloren “Për zbatimin dhe monitorimin e projekteve fituese të thirrjes për masa mbështetëse”.

Startup-eve iu lëvrohet fondi për projektin në 3 (tri) këste:

- a) Kësti i parë: 30% (tridhjetë për qind) të vlerës së fondit menjëherë pas nënshkrimit të kontratës së grantit;
- b) Kësti i dytë: 40% (dyzet për qind) të vlerës së fondit menjëherë pas miratimit nga agjencia Startup Albania të raportit përshkrues dhe financiar të fazës së parë;
- c) Kësti i tretë: 30% (tridhjetë për qind) të vlerës së fondit pas miratimit nga agjencia Startup Albania të raportit përshkrues dhe financiar përfundimtar.

12. VLERËSIMI DHE VENDIMI PËR FINANCIM

Procedura e vlerësimit përfshin dy hapa:

- Kontrolli administrativ dhe i përshtatshmërisë së të gjitha aplikimeve të pranuar;
- Përzgjedhja e aplikimeve (bazuar në shqyrtimin nga komisioni I vlerësimit dhe ankimit);



Kriteret e mëposhtme do të përdoren nga anëtarët e komisioneve të vleresimit dhe ankimit për të vlerësuar cdo projekt dhe pyetjet në kolonën e dytë do të shërbejnë si një udhëzues i përgjithshëm për vlerësuesit.

Kredencialet e ekipit dhe personelit kyç dhe aftësia e kompanisë për të lëvruar projektin	<ul style="list-style-type: none">• A ka ekipi menaxhues dhe personeli kryesor i duhur aftësitë, arsimi, njohuritë, historitë dhe përvojën për të ekzekutuar projektin e propozuar?	Vleresimi maksimal 10 pikë
Teknologji, produkt ose shërbim inovativ; dobia e inovacionit dhe Pozicioni i qartë i PI-së	<ul style="list-style-type: none">• A do të rezultojë projekti në përmirësimin e teknologjive, produkte apo shërbime egzistuese?• Deri në çfarë mase projekti eksploron koncepte apo aplikime unike?• A ka teknologjia, produkti ose shërbimi i propozuar potencial për krijimin e PI-së të re?• A ka aplikanti pronësi/të drejta të plota për të zhvilluar dhe përdorur teknologjinë/produktin ose shërbimin që po zhvillohet?• A cenon teknologjia, produkti ose shërbimi i aplikantit ose shkelin të drejtat e PI të tjerëve?	Vleresimi maksimal 10 pikë
Nevoja e qartë e tregut dhe potenciali i komercializimit	<ul style="list-style-type: none">• A ka qasja e propozuar potencial për të çuar në treg një teknologji, produkt apo një proces të tregtueshëm?• Cili është tregu specifik për teknologjinë, produktin apo procesin? A është një treg në rritje? A janë të përcaktueshëm klientët/përdoruesit?• Vlerësoni avantazhin konkurrues të kësaj teknologjie kundrejt	Vleresimi maksimal 10 pikë



	<p>teknologjive alternative që mund të plotësojnë të njëjtat nevoja të tregut.</p> <ul style="list-style-type: none">• A është teknologjia, produkti ose shërbimi konkurrues dhe çfarë janë kërcënimet konkurruese?	
<p>Potenciali për të ardhura/partneritet me një partner strategjik brenda dy deri në tre (2-3) vjet pas fillimit të projektit</p>	<ul style="list-style-type: none">• A ka teknologjia, produkti ose shërbimi i propozuar potencial për të gjeneruar të ardhura brenda 2-3 viteve pas fillimit të projektit?• A është real vlerësimi i tregut të synuar dhe kush janë/pritet të jenë konkurrentët kryesorë?	<p>Vlerësimi maksimal 10 pikë</p>
<p>Përdorimi i fondeve dhe përshtatshmëria e buxhetit të projektit</p>	<ul style="list-style-type: none">• A është plani i propozuar një qasje e shëndoshë drejt komercializimit?• A janë metodologjia dhe aktivitetet e përgjithshme të arsyetuara mirë dhe të përshtatshme për të realizuar zhvillimin e propozuar të teknologjisë, produktit apo shërbimit?• A ka akses të mjaftueshëm në burime (materiale dhe furnizime, shërbimet analitike, pajisjet, objektet, etj) për të siguruar që projekti do të përfundojë me sukses?	<p>Vlerësimi maksimal 10 pikë</p>
<p>Përdorimi i fondeve dhe përputhja me projektin</p>	<ul style="list-style-type: none">• A janë zërat e listuar në buxhet në përputhje me propozimin e aktiviteteve (p.sh. orët e punës, materialet)?• A janë realiste kostot e propozuara?• A do të përfitonte buxheti nga ndonjë ndryshim apo korigjim	<p>Vlerësimi maksimal 10 pikë</p>



	(p.sh. më shumë fonde të alokuara për mbrojtjen e PI-së, duke reduktuar kostot e konsulencës)? • A demonstroi aplikanti përkushtim të mjaftueshëm me nivelin e bashkëfinancimit?	
Teknologjia dhe rreziku i zbatimit dhe menaxhimit	• Janë problemet e mundshme të zbatimit, rreziqet dhe zgjidhjet e identifikuara të paraqitura qartë? • A do të përcaktojë qasja e propozuar fizibilitetin dhe veçanërisht aspektet e rrezikut që mund të menaxhohen në mënyrë të përshtatshme?	Vlerësimi maksimal 10 pikë

Bonus prej 5% mbi pikët e marra nga kriteret e mësipërme do të jepet në rastet kur:

- Aplikanti është vajzë/grua ose ekipi përbëhet nga 51% gra/vajza;
- Aplikanti është nën moshën 30 vjeç në momentin e aplikimit;
- Aktiviteti thelbësor i startup-it ka impakt pozitiv për mjedisin.

Rezultati total për një Aplikim është shuma e pikëve të dhëna për secilin kriter, duke prodhuar një maksimum prej 70 Pikësh.

13. PËRGJEGJËSITË E FITUESVE

- Respektojnë në mënyrë rigoroze dhe integrale të gjitha deklaratat e shprehura dhe angazhimet e përfshira në formularin e aplikimit.
- Vënë në dispozicion të cdo informacion Agjencisë Startup Albania.
- Paraqesin të Menaxheri i grantit një raport në lidhje me implementimin e projektit sipas fazave të specifikuar në kontratë deri në përfundimin e projektit, faturat origjinale për shpenzimet, si dhe çdo dokument të nevojshëm për të bërë të mundur kryerjen e pagesës;
- Pranojnë çdo lloj monitorimi, vlerësimi dhe/apo auditimi për të cilat projekti i aprovuar mund të bëhet objekt, duke siguruar të gjithë informacionin dhe dokumentacionin e kërkuar, pasi të jenë njoftuar 7 (shtatë) ditë para.
- Përfundojnë projektin brenda kohës së parashikuar në marrëveshje.



Për më tepër, parashtuesi pajtohet të ndërmarrë të gjitha veprimet e nevojshme për të parandaluar aktivitetet e mashtrimit dhe korrupsionit gjatë zbatimit të projektit. Në zbatim të kësaj politike, praktikat që përbëjnë Mashtrim dhe Korrupsion përcaktohen si më poshtë:

- (i) "praktikë korruptive" është ofrimi, dhënia, marrja ose kërkimi, drejtpërdrejt ose tërthorazi, çdo gjë me vlerë për të ndikuar në veprimet e një pale tjetër;
- (ii) "praktikë mashtruese" është një veprim ose mosveprim, duke përfshirë keqinterpretim, që mashtron me vetëdije ose pakujdesi, ose tenton të mashtrrojë, një palë për të siguruar financim ose përfitim tjetër ose për të shmangur një detyrim;
- (iii) "praktika të fshehta" është një marrëveshje ndërmjet dy ose më shumë palëve të krijuara për arritjen e një qëllimi të papërshtatshëm, duke përfshirë ndikimin e gabuar në veprimet e një palë tjetër;
- (iv) "praktika shtrënguese" është dëmtimi ose dëmtimi, ose kërcënimi për të dëmtuar ose dëmtuar, drejtpërdrejt ose indirekt, personat ose pasuria e tyre për të ndikuar në pjesëmarrjen e tyre në a procesin e prokurimit, ose ndikojnë në ekzekutimin e një kontrate;
- (v) "praktikë penguese" është:
 - (a) shkatërrimi, falsifikimi, ndryshimi ose fshehja e qëllimshme e materialit provues për hetimin ose dhënien e deklaratave të rreme para hetuesve me qëllim që materialisht pengojnë një hetim mbi akuzat për një të korruptuar, mashtrues, shtrëngues ose marrëveshje të fshehtë praktikë; dhe/ose kërcënimi, ngacmimi ose frikësimi i ndonjë pale për ta parandaluar atë zbulimin e njohurive të tij për çështjet që lidhen me hetimin ose nga ndjekja e tij hetim, ose
 - (b) aktet që synojnë të pengojnë materialisht ushtrimin e të drejtave të inspektimit dhe auditimit.

14. MONITORIMI I GRANTEVE

Startup Albania do të hartojë Udhëzuesin për zbatimin dhe raportimin e projektit, formatin e Raportit Përshkrues dhe Financiar dhe manualin e dukshmërisë. Gjithashtu, me urdhër të brendshëm do të përcaktohen personat përgjegjës për monitorimin, verifikimin dhe kontrollin e zbatimit të grantave. Pëfituesit e granteve duhet të ofrojnë akses dhe raportojnë në çdo kohë për ekspertët monitorues të Startup Albania, pas njoftimit paraprak të këtyre të fundit, për informacione dhe dokumente që lidhen me projektin dhe zbatimin e tij (duke përfshirë informacionin financiar). Kjo përfshin dhe nënkupton informacion mbi të gjithë projektin dhe jo vetëm mbi pjesën e financuar me fonde nga Startup Albania.

Pëfituesit e granteve do të kenë detyrimin për të hartuar raport përshkrues/ financiar periodik për çdo këst dhe raportin përfundimtar. Raportet do të shoqërohen me faturat financiare që verifikojnë shpenzimet e kryera dhe me çdo dokument e produkt të përgatitur në kuadër të projektit dhe që verifikon aktivitetet e projektit.



Përfituesit kanë detyrimin të mbajnë të gjithë dokumentacionin (duke përfshirë dokumentet financiare) lidhur me projektin të paktën 5 (pesë) vjet pas përfundimit të tij. Gjithashtu, janë të detyruar të ofrojnë akses në këto dokumente ndaj çdo auditi dhe monitorimi nga ekspertë që përfaqësojnë Startup Albania si dhe nga Kontrolli i Lartë i Shtetit, që ka kompetencë të kontrollojë shpenzimin e fondeve publike.

15. KONFIDENCIALITETI I TË DHËNAVE

Në bazë të Kodit të Procedurave Administrative dhe legjislacionit në fuqi për mbrojtjen e të dhënave personale, të dhënat personale dhe financiare të depozituara nga aplikuesit për qëllim të përfitimit nga granti, veçanërisht e gjithë korrespondenca e shkëmbyer është konfidenciale dhe nuk do të zbulohet.

Stafi Agjencise Startup Albania do të ruajë në mënyrë konfidenciale informacionet e marra nga startup-et. Asnjë e dhënë e marrë për sekretariatit Teknik dhe komisionet përkatëse nga ana e aplikuesve nuk do t'u bëhet e ditur palëve të treta pa miratimin e tyre.

Megjithatë, në përputhje me legjislacionin në fuqi për të drejtën e informimit, të dhënat në lidhje me zbatimin e grantit, në veçanti identifikimi i aplikuesve të mbështetur, të dhënat e përgjithshme rreth buxhetit, financimit, aktivitetet e kryera, rezultatet e arritura, ndikimet dhe të tjera të ngjashme, mund të përdoren, të publikohen ose shpërndahen nga stafi përgjegjës i Agjencisë pa ndonjë kufizim. Vetëm për raste të veçanta, të tilla si ngritja e ndërgjegjësimit, promovimi dhe shpërndarja, rastet studimore dhe të tilla të ngjashme, informacioni mund të zbulohet me marrëveshje të veçantë me startp-et e përfshira të cilat, nga ana e tyre, angazhohen për të lehtësuar zbulimin e informacionit, në rastet kur nuk vihen në lojë interesat përkatëse tregtare dhe/ose sekretet e tyre.